



SAOPŠTENJE ZA JAVNOST

Određen pritvor za lice S.S. zbog osnovane sumnje u izvršenje krivičnog djela Teške krađe

(Brčko, 29.10.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH odredio je pritvor licu S.S. (55)* iz Bijeljine, zbog postojanja osnovane sumnje da je u saizvršilaštvu izvršio krivično djelo Teške krađe.

Osnovni sud Brčko distrikta BiH je odredio jednomjesečni pritvor licu S.S. (55)* iz Bijeljine zbog postojanja osnovane bojazani da će uništiti, sakriti, izmijeniti ili krivotvoriti dokaze ili tragove važne za krivični postupak, kao i da naročite okolnosti ukazuju da će ometati krivični postupak uticajem na prikivače, te da postoje naročite okolnosti koje opravdavaju bojazan da će ponoviti krivično djelo, a za koje se može izreći kazna zatvora od tri godine ili teža kazna.

Naime, u popodnevним satima dana 24. oktobra 2025. godine, osumnjičeni je po prethodnom dogovoru sa druga dva lica, B.S. iz Bijeljine i D.J. iz Zvornika, došao do kuće oštećenog D.A. u mjestu Brezovo polje selo u Brčko distriktu BiH, te upotrebom fizičke snage i podesnog alata izvršili su provaljivanje u porodičnu kuću u kojoj su pronašli sef i druge dragocene predmete. Nasilnim otvaranjem pronađenog sefa osumnjičeni su protivpravno prisvojili pištolj marke „Bereta“ modela M-70, veću količinu novca u različitim valutama, zatim četiri mala dukata sa logom, više zlatnih prstenova, te nekoliko lančića od žutog zlata, nakon čega su se udaljili u nepoznatom pravcu, a vlasniku pričinili materijalnu štetu u iznosu oduzetih stvari.

U koordiniranoj akciji koja je uslijedila, Policija Brčko distrikta BiH je u saradnji sa Policijskom upravom Bijeljina vrlo brzo identifikovala lica za koja postoje osnovi sumnje da su izvršili predmetno krivično djelo, pa su dana 25. oktobra 2025. godine slobode lišena tri lica inicijala S.S., B.S. i D.J.. Nakon kriminalističke obrade i izvršenog ispitivanja lica lišenih slobode, Tužilaštvo Brčko distrikta BiH je utvrdilo da za lice S.S. postoji osnovana sumnja i posebni pritvorski razlozi pa je sudu upućen prijedlog za određivanje pritvora.

U daljem toku ovog postupka, Tužilaštvo Brčko distrikta BiH će nastaviti poduzimati sve propisane istražne mjere i radnje u cilju utvrđivanja svih važnih činjenica za ovaj događaj i daljeg procesuiranja odgovornog lica ili više njih.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**